

Япунов Джигъил

Г О Л О С А Ш У Г А

М а х а ч к а л а 2013

СЛОВО ОБ АШУГЕ

Имя Япунова Джигила хорошо известно в агульском районе. Он участвует, как и в молодые годы на всех проводимых праздничных мероприятиях, прославляя свой край. Япунов Д. прекрасно знает свои родимые места,

культуру своего народа, образ жизни простых горцев, их радости и трудности. В родном селе все ему знакомо с детских лет. За свое активное участие в проводимых республиканском масштабе конкурсах он неоднократно поощрялся руководством района. Имя ашуга звучало в газетах, т.к. он первый крупномасштабный ашуг в Агульском районе. На проводимых конкурсах ашугов он много раз завоевывал призовые места. В семье Япуновых все дети любят музыку, играют на всех музыкальных инструментах и поют песни своего отца.

В с. Фите Япунов Джигил создал свой семейный ансамбль. Он призывает в своих песнях, беседах молодых людей к достойному образу жизни, к лучшим творениям. Как говорит ашуг молодым трудно в наше тревожное время сделать правильный выбор. Мне приходилось видеть отношение ашуга

Джигила к природной красоте. Сидя на годекане он всегда призывал людей к бережному отношению и любви природного богатства. Стихи Япунова Джигила настолько красиво говорят о сельской красоте, о культуре людей, и о жизни односельчан. Простым доступным языком он раскрывает смысл человеческой жизни. У Япунова свой стиль, своя манера и свое понимание в царстве стихосложения. Ашуг пишет и восхваляет простых людей, которые своим трудом приносят себе счастье и радость, успокоение души.

Звонят кристально чистые родники в горах, цветут такие ароматные цветы, где только здесь их можно встретить.

На родном языке он сказочно красиво описывает свежее дыхание гор, звучание родников, красоту природного явления, пение птиц весенней порой, прелесть тени летним днем. В совершенстве овладев музыкальным инструментом (чунгуром) ашуг свои чувства, пожелания людям говорит музыкальным языком. Я знаю Япунова Джигила давно как порядочного и гостеприимного человека, который влюблен в родимые места, где ему знакома каждая тропинка, каждая травинка.

В своих стихах простым языком он пишет о мужестве и трудолюбии горцев, которые с детских лет знакомы с физическим трудом. Ашуг часто говорит, что краше нашего Дагестана нет на земле места. В действительности Дагестан самый

красивый край и ничто с Дагестаном не сравнится. Работая художественным руководителем Дома культуры в с. Фите Япунов Д.Я. на высоком уровне проводил праздничные мероприятия, что из соседних сел приезжали послушать новые песни ашуга. У ашуга дружная музыкальная семья и пожелаем ему больших успехов на творческом пути, чтобы ашуг имел возможность выпустить много замечательных и поучительных песен и стихов на радость людям.

*канд. филол. наук **Н.Р.Исрафилов***

ДАГЪУСТАН

Акьубахъас ви гьар багулин таҠриф
Шаирар а вакес ликҠейди ариф
Са ваҠдайира дахьурай вун заҠиф
Зас баҠа и вун зи ватан Дагъусттан

Ви ругварил бахттавар и гьар инсан
БаркалаҠ хъай удигъ вей вун гьар заман
Игитарик намус кея ви азман
Зас баҠа и вун зи ватан Дагъусттан

ЯҠа вари халкьар гунтҠ хьуна ая
Ви таҠриф акьас гьарттихъ фикир хъая
Вун дуьнйадис пара маҠшур хьун ая
Зас баҠа и вун зи ватан Дагъусттан

МАХАЧКАЛА

Ви гьар багус атуган ул
Вартти багв дагъ ахъ багв и гьуъл
Агуттарин шад вей гуьгьуъл
Гуьзел шагьур Махачккала

Гьар уьлкейин гьарса инсан
Дусттвал хъай ви и са хизан
Шадваларин азман майдан
Гуьзел шагьур Махачккала

Фи уктан ду Iумур девран
Агуттар вал вей а гьейран
Сагъ хизандин мехIкам ватан
Гуьзел шагьур Махачккала

Вун агвас темехI хъамиди
ЙиркIураъ шад хиял ади
Джагьил вея дагъларихъди
Уктан шагьур махачккала

ДЕРБЕНТ

Джагълар Агъул несилдин
Х1алар хъуни ли вахъ Дербент
Чи дагъларин чи халкъарин
Салам и чи ли вас Дербент

Хъиму милеттин инсанар
Са хизан суман и гъелбет
Битмиш вейи гъар нематар
Агуни час ли ви Дербент

Удигътти ви ц1уппи къефес
Хилиъ уйи хандин хавлат
Шад Іуьмурдин бахттлу гъевес
Ачухъ хъуна хъал ви Дербент

Хъи ватанди Дагъусттанди
Фурс акъая валди гъелбет
Дагъусттандин игитари
Уягъ акъун и вун Дербент

Девлетар хъехъ хъая ппара
Хъуттурф элер хуп1 и лезет
Фит1а Джагъил ли вакесра
Маг1ни агъай шад и Дербент

АГЪУЛ ДЕРЕ

Рекъ адавай дерейиас
Инсанарис дарвал уйи
Адавуи дуънайикес пай
Удигътии вас Агъул дере

Гъарсайихъ са хъиму хизан
Иаджузвал уй пара азма
Адина гъал вахттар масан
Вас бахттар фай Агъул дере

Ачухъ хъуна дарди рекъер
Садсайихъ вей автобусар
Ачухъ хъуна халкъдин йирк1вар
Бахтг1лу хъуна Агъул дере

Х1урар биц1и ичра ппара
Вун адлу и Агъул дере
Ви халкъарихъ пара зурба
Х1урмат хъая Агъул дере

Ви дерейиъ айи х1урмат
Агвая халкърис гъелбет
Ах1ар ухъ вас и ли девлет
Ккидирк1вайди Агъул дере

Муьгьуьбеттин нур алавей
Ачухъ и ви дагъ ва дере
Инсанара лап дусттвал хъай
Х1урматлу и Агъул дере

Ац1ас ватандин базарар
Булл хъурай вахъ х1аппар малар
Фит1е джагъил лик1ес ч1алар
Х1азур и вас Агъул дере

Алтухъ хъурай девлет ва мал
Авадан хъас халкъар хъара
Пас кканди а джагъилас гъал
Зас багъа и Агъул дере

МАГЪУ ДЕРЕ

Удигътти вун лап дар хъуни
Гъал уълкейис мах¹шур хъуни
Инсанныят гъалиб хъуни
Ли вал залум Магъу дере

Ме багв дагъар те багв дагъар
Рекъ хулдус хъуни вун лап дар
Хъе халкъариф и ме гъунар
Вал джан файи Магъу дере

Гъар ¹ач¹арил зурба муьгъвер
Кленаккес вей х¹алак нец¹вар
Варттиас ахъ ярх¹уч улар
Тамаша вей Магъу дере

Хъиттар и ви ¹аджаб ширин
Гъавара и пара серин
Варттиас ахъ и вун дерин
Рагъ адархъай Магъу дере

Ниъ архъуна ароматдин
Ухшар и вас багъ джейнеттин
Гъал вун агу гъар инсандин
Гуьгъуьл шад вей Магъу дере

ДРУЖНАЯ СЕМЬЯ ДАГЕСТАНА

На защите Родины в 1999 году

Ярч1уйиц1на ярч1уд пу иса
Дагъусттан гъушас хъади къастт
Адини душман ях1суз са
Дахъуна адждагъадин ппастт

К1илис ушундаъ душмандин къастт
Акъуни ти зурзай сакъат
Гъарса инсан гъарса милет
Чуяр хъуни акъун ният

Игитар ппара хъуни хъехъ
Адигуна душман ях1суз
Намус гъийрат хъа гъар сайихъ
Ативас арайилди х1лакъ

Авар дарги гъарса инсан
Лезги Ккумух Табасаран
Агъул Рутул Азербаджан
Гъузунли ликули иц1ас джан

Яхул ц1ахур хъун са улмат
Акъуна лап ц1уппи ният
Ушунли хъи ух1вас серх1ат
Четин ягъа къастт хъай гъелбет

Джагъил агъил гъарса милет
Диши эркег гъузун ликул
Адин урусаттин салдат
Акьуни душманар зулзул

Дагъларин уълкве дагъусттан
Хъамидах1ан гагътти аман
Х1азур и чин иц1ас чи джан
Час багъади гуьзел ватан

Фит1а джагъилас ви халкъар
Багъа и адавай къадар
Гъузас и чин хъади къасттар
Ух1вас вун ватан дагъусттан

ОТВАЖНЫМ СЫНОВЬЯМ АГУЛА

героически погибшим при ограблении госбанка
бандитской группой

Дагъусттандиъ ях1суз душман
Бандавур хъай руцай хъуни
Са группа х1алар суман
Агъулдира адин хъуни

Шаклу хъундаъ гъич са касра
Гебур х1уриъ руцай агъай
Бяг1зиттари агъай хъуни
Тебур х1алар дава агъа й

Милицайин дежурнара
Шаклу хъуна руцай хъуни
Бандитарис ах1ар хъуна
Автоматдин гула ини

Мингъадж пистолет хилиъ ай
Душмандин удигъ гъузуни
Намус гъийрат йирк1ураъ ай
Тукун Iуьмур фана хъуни

Хал фацуни хабар давай
Банкир фацуна файшуни
Банкунин ккод фашан агъай
Инсаф дакъай утай хъуни

Банкир хъуни Бедуьхъ Х1асан
Намус хъайи зурба инсан
Гъалиб дахъас ях1суз душман
Ини кастти учин ширин джан

Агъулари ме кардикес
Ккулинцыбурис ини хабар
Рекъ фацу къуншибурикес
Куьмек хъуни хъес са анбар

Душмандин гудж яваш хъуни
Къунши дусттар гъалиб хъуни
Дагъусттандин гъарса х1уриь
Игитарин ттур архъуни

Душманари игит файшун
Ях1сузвалдин лишан хъуни
Бандитари язукъ дакъун
Х1асан живой мишень хъуни

Куригъ Мингъадж Бедуьхъ Х1асан
Ихин час чун пара массан
Чвас баркалахъ пара азмаан
Багъа акъуни чун хъе ватан

Гъарса х1уриь гъарса халаь
Чунра ая чахъай дусттар
Гъар суфрайихъ гъар меджлисдиь

Агъай чвахъас ширин ттосттар
Чун суман зурба игитар
Йирк1вариъ ай руцас и чин
Геледжегдин тарихариъ
Лик1ина чун атас и чин

Мингъадж х1асан ме дуьнйайил
Дусттарихъас хъаттархъуни
Чун хъадавай чи йирк1варил
Сагъ девейди зиян хъуни

Ях1суз душман адибалди
К1валас девейди кар хъуни
Игитвалдин гъунарилди
Чун дуьнйадис мах1шур хъуни

Игитарин зурбавалар
Гъич йирк1уралас гъадатас
Лик1ес и Джагъила ч1алар
Хум ушуттарис йирк1урал хас

ДАГЪУСТТАНДИН ИГИТАР 1999 иса.

Азад иди урус уьлкве
Ухлуь бурджи и хьи ягла
Дахьубахъас далу кьацла
Чал сад и джалайин ягла

Хьи ватандин серхлатарил
Гъузун а игитар зурба
Душманди алдаркас хьехъ кил
Акьурай Гуьмурлухдин туба

Душманар дахьурай сархуш
Лап мехлам кьала хьая хьехъ
Чиппин джанар акьас нахуш
Кьудратлу гуьнар хьая хьехъ

Фидж адишра акьас девечир
Гьилдандин сенгер хьая хьехъ
Гьич сайисра дайицла сир
Намусин асланар хьа хьехъ

Дуьнйайис махлуш хьунайи
Дагъусттан ватан хьая хьехъ
Дуьз рекьуь вес дарс ицлайи
Арифар Иалимар хьа хьехъ

Ягла шад и фитла Джагьил
Диши эркег гьарса агьил
Нагагь дагъуш душманди хил
КьатI акьас ханджал хьая хьехъ

ДУХТТУРАР

Инсанарин сагъвал ух1вай
Алгъузуна чун духттурар
Нахушдиттар сархуш акъай
Чвахъ хъая гъунар духттурар

Насилккайиъ ай хай чвагъди
Залиф хъу инсанар таг1ди
Чу къудратар агу элди
Баркалагъ агъай духттурар

Хилариъ зурба рах1ми ай
Аллагъди чвас иная пай
Яваш акъай джандиас ц1ай
Чвахъ хъая къудрат духттурар

Фит1а Джагъил хъуна мах1тал
Ли чу гъуналарин варттал
Чвахъ хъурай даим сагъвал
Час куьмек акъас духттурар

ЗИ ВАТАНДИН ИГИТАР

Дагъусттандин милетар
Гъамархъанай дахъ улар
Агвая чвас душманар
Клей хьи игит арифар

Гъадисттах1ан Дагъусттан
Намусилди руцуни
Тукари ац1у бусттан
Ус-устти ц1аран хьуни

Дагъусттандин к1или ая
Гъавурди айи Іалимар
Душманарис хъел кея
Дуьз хай агъай заккунар

Дадарилас мич ад айи
Шабай ч1ир дакъас ватан
Дадарис Іаян хъаси
Вейиф ватан Дагъусттан

Эй аварар даргибур
Табасаран лезгибур
Ккумыкарна лакцыбур
Шабай дагулас абур

Ватандин к1или айи
Ух1вай иджи игитар
Йирк1варихъ дуъзвал хъади
Сад акъайи милетар

Намус хъайи инсанар
Кканди адаъ душмандис
Салих1суман игитар
Джик1есин хъес ахирдис?

Къана ерид упу августт
Йирк1вар к1ари хъу ягъ и
Джалайисра багъа дустт
Дуънйайилас ушу ягъ и

Мухуна Хизрм Х1аджи
Имамудин Азади
Эмиров Саидра и
Ватандис лайикъ иди

НАШ ДАГЕСТАН

Все народы Дагестана
Вы будьте дружбою сильны
Знает славная отчизна
Как враги её коварны

И сейчас Дагестан родной
Так горд и славен мой
Наш красивый цветущий край
Не запятнан чьей-то рукой

Руководство Дагестана
Все изъяны знает края
И желает враг сатана
Чтоб сгорела земля моя

Наш край прославили отцы
Мы сохраним наш Дагестан
И аксакалы - мудрецы
В этом всегда помогут нам

Эй аварцы и даргинцы,
Табасаранцы и лезгины.
Друзья кумыки и лакцы
Мы только дружбою сильны

Ненавидят злые враги
Достойных наших земляков
Салих сын Агульской земли
Погиб от рук подлых врагов

Тот день нам горе принёс
И друга нашего унёс
Мы всегда гордились тобой
Земляк любимый наш родной

Как агулец Салих герой
Имеет край чудесный мой
И мы всегда беречь должны
Чтобы жили такие сыны

Муху Хизри Имамудин Гаджи
Наш журналист Алик смелый
И наш Саид Амиров мудрый
Нам нужны ваши дела и вы

ДАГУСТТАНДИН ХІАТТАРИС

Хъимуна са милетарин
Арайиъ маслиат акъай
Къасттунилди гъзуна чун
Хіакъна нахіакъ арайис хай

Джала халкъари генара
Ихттиб хъихъай ли чвахъ зурба
ЙиркІураас акъинай туба
Хіакъ арайис хаси пуна

Чвал рази и халкъар вари
ЙиркІвар кІари дахъурай хьи
Ли чун суман арифари
Багъа ватан ухІвай а хьи

Дуъз акъай вун халкъдин ара
Сайихъдира давай къаних
Къимат а ви кардис ппара
Баркалагъ вас игит СалихІ

Четин вахт и кар хас кІилиъ
Душманар укъун а улиъ
Къалам а Джигъилан хилиъ
ЛикІес игитар тарихдиъ

ПОДВИГ АГУЛЬЦЕВ

В Дагестане враг коварный
Гулял с бандами своими
Одну группу в горный Агул
К нам направил он шайтан

Гостеприимный край Агул
Принимал в дома чужаков
Такой приход нас обманул
Не ждали мы плохих врагов

И милиция Агула
Не могла верить землякам
Что стая банд прилетела
В край привыкшим к кунакам

Минхадж с пистолетом в руках
Смело шёл навстречу врагам
Он жизнь отдал свою в горах
Не забыть его имя нам

Захватили дом бандиты
И увели они Гасана
Кодом в банк двери закрыты
За что били они Гасана

Банкир Гасан из Бедюка
Славный сын родного края
Оставил память на века
Чтобы им гордились семья и друзья

Соседи кулинцы друзья
Получили об этом весть
Агульцы знают как и я
Вместе бандитам дали смерть

Здесь не любят длинных речей
Покрылись позором враги
Щайка каких то сволочей
Людей и ислама враги

В Кулинском районе мы знаем
Спасенья не нашли враги
И теперь мы понимаем
Славой покрылись земляки

Погиб Гасан за земляков
Однажды жизнь людям дана
Сыновья продажных отцов
Убили нашего Гасана

Курагский Минхадж Гасан Бедюкский
Людские сердца не забудут вас
Вы народ свой родной Агульский
Защитить сумели в нужный час

В каждом селе в каждом доме
Вы с нами верные друзья
В любой компании и застолье
За вас мы пьём всегда друзья

Вами гордятся все агульцы
И верно мы о вас память храним
Как великие мастера творцы
Имена героев сохраним

Минхадж Гасан ушли в мир иной
Оставив верных друзей своих
И сердца покрыты раной такой
Когда рядом нет земляков моих

Приход врагов опечалил нас
Этот случай не забыть никак
Сильно всегда мы любим вас
Ничто не проходит зря ведь так

Геройские дела земляков
Никогда не должны забывать
Джагил напишет множество слов
Которые будут вас воспевать

ДОСТОЙНЫМ ЛИДЕРАМ

Имеем столько наций разных
И людям всем вы дарите свет
Понимая нас людей простых
Всех нас вы любите как братья

Все народы снова и снова
Свои дадим голоса за вас
За добрые мирные дела
Которые видим мы сейчас

И все люди довольны вами
Пусть тает зависть в душе людской
Такими славными сынами
Принесён к нам мир и покой

ШАБ АГЪУЛДИ ХІАЛАШУЙДИ

Агъул сувар фи серин и
Тукаригъди гуълишан и
Буз булахар фи ширин и
Шабай дусттар хІалашуйди

ХІуппар маларин кІаратІар
Гибур и зурба девлетар
Агвас чи халкъдин хІурматар
Шаб агъулди хІалашуйди

ТагІрифдис лайикъ и шибар
Джейнет багъдиъ айи луфар
Уктанвалдис и чаб тукар
Шабай дусттар хІалашуйди

ДАГУДИН ВЕТЕРАНАРИС

Хѝи дадари зиву зегъмет
Кѝвалас гъаматанай гъелбет
Зиву зегъметарин кѝимат
И хъес Іумур, бахттар, девлет

Ина цѝай залум Гитлерас
Акѝуни чун гъунар зурба
Фашизмайин зулумиккес
Акѝун и чун азад дуьнѝа

Ватан ухѝу веттеранар
Чин чун йиркѝурал атаси
Алтархъушра агъзур исар
Чин чун тарихдиѝ ухѝваси

Агучра ппара зулумар
Ватандик хъуни кѝисматар
Къазалмиш акѝун гъунара
Адини чун зурба дадар

Гъарса кардиѝ зегъмет зивай
Инсанарин хѝурмат ухѝвай
Гъанас хъучра Іакѝул ицѝай
Руцуни чун зурба дадар

Йирк1вариъ ай даим шадвал
Улматдиъ чу хъурай сагъвал
Халкъар пара рази и чвал
Баркалагъ чвас зурба дадар

Фит1а Джагъил хъуни агъил
Фикир алди игитарил
Намус ух1угъар мукъуйил
Баркалагъ чвас зурба дадар

МУСА МАНАРОВАС

Гъар уълкейиъ таг1риф ая
Ви гъунардис кымат ая
Хъи халкъари джалайира
Ли вас баркалагъ агъая

Дагъусттандин гъарса х1уриъ
Ви таг1рифдин унар ая
К1илди дуьнйадин тарихдиъ
Манарован гъунар ая

Вун и садпуф ккосмосттис ушуф
Дагъусттандин намус ух1уф
Джагъила вас дуьз и упуф
И вун Муса заварин луф

ПОСВЯЩАЕТСЯ МУСА МАНАРОВУ

Все народы гордятся вами
И труд все ценят высоко.
Вы всегда останетесь снами
Хотя от нас вы далеко.

В дагестанском ауле каждом
Только про вас и говорят,
О герое всегда приятном
Дети наши слышать хотят.

С высоких гор наших суровых
Летит салам в столицу-Москву
И на встрече соседей братских
Мы от души хвалим Мусу.

Первый космонавт Дагестана
Он прославил свой край родной,
И правдивы слова Джигила
Он как голубь нам дорогой.

ИМАМ ШАМИЛЬ

Дагъустандин халкъдин к1илиъ
Имамвелди хьуни Шамил
Тарихарис гьар замандин
Мах1шур и вун имам Шамил

Дуьнйайис вун мах1шур хьуна
Тарихариъ ттур архьуна
Вал халкъари инал хая
Х1акъ имам и пуна Шамил

Мусулман дин вартт гъадивай
Вун дженгериъ хьуни Шамил
Алагъдин рекъ х1акъ и агъай
Халкъдин к1илиъ хьуни Шамил

А.С. ПУШКИНАН 200-ИСАН ТАГІРИХ

200-исар тарихдиъ ай
Ми дуънйайис мах1шур и вун
Арифвалдин 1акбулдин пай
Хъи халкъарис атун и вун

Ли ви дерин 1акбулдикес
Ах1ар хъуни часра лик1ес
Гъар инсанди яг1а вакес
Агъай ч1алар щад и гъевес

Кучи ягъа йирк1вар серин
Вей ви ч1алар хуруф ширин
Гъар гафунин маг1на дерин
Атун и вун ми час пушкин

АЙГУМОВ АЙГУМАС

Чи биц1и агъул халкъарин багулиас
Ширин салам иц1ай а зун Айгумас
Халкъдин гуьгъуьлар даима шад акъас
Сагъвал хъади Iуьмур хъурай Айгумас

Вари халкъар ви меджлисдис гунт1 хъуна
Вун суман гъевеслу касттил шад хъуна
Дагъусттандин халкъарис вун хуш хъуна
Юбилей мубарак хъурай Айгумас

Фит1а Джагъил адина ви меджлисдис
Баркалагъ вун зивунайи зегъметтис
Кумух халкъдин гъунарлу иди касттис
Юбилей мубарак хъурай Айгумас

РАСУЛ ГАМЗАТОВ

Чи биц1и агъул халкъарин
Саламар фай адини зун
Гъар инсандин хиял дерин
И вас тебрик акъуб Расул

Дагъусттандин вари халкъар
Гунт1 хъуная ви меджлисдис
Чиппин багулиас паяр
Баркалагъ пас ли вас Расул

Тарихариъра хьи ватан
Хъуфи ади абур асул
Дуьнийайис ми хьи Дагъусттан
Акьун и вун мах1шур Расул
Фит1 Джагъилан мезуралас
Баркалагъ вас ариф Расул

АГЪУЛАРИН СПОРТСМЕНАРИС

Къйби и Насми из Рича

Гъар уълкейис таг1риф ади
Дагъдин ватан йиркбура ади
Агъул магъшур акъас кканди
Къастт хъуна вахъ игит Къйби

Сифтта агъул джигъиларис
Рекъ ккихъуф аренайис
Ви рекъуъ вес гъар къех1елдис
Хуш хъуная игит Къйби

Ч1аъ хуруф и игит Къйби
Тийин наставник и Насми
Дагъустандиъ таг1риф айи
Агъул халкъдин игитар и

Хуш хъуни дуъз рекъ Насмийис
Насмийи файшуни къастт к1илис
Магъшур хъуни гъар уълквейис
Игитвелдин вит тур Насми

Юра Гусейнович из Тпига

Хам суварин булахари
Ви хиларис къуват ини
Хъи биц¹и агъул халкъари
Ви гъунарис къимат ини.

Четин кар и валагъ ппара
Медаль гъушуб ара-ара
Фи упас хъас ихъа сара
Баркалагъ вас игит Юра

Аренайис авч¹угуна
Йиркъураъас пуна ура
Гъуд къармахариг¹ фацуна
Сувал ушу лур¹ и Юра

Вахъ гунараб хъурай зурба
Хъи халкъарис и вун багъа
Медалара са къадсара
Къисмат хъурай ле вас Юра

Мус хъучинра уях и вун
Хъи халкъарин дамах и вун
Гележегдин тарих и вун
Намусдин аслан и Юра

Шаирара фикир иц1ай ая чвас
Игитвалди ттур тарихариъ амхъас
Къаламна кедж гъушун чу таг1риф акъас
Гъар ваг1дайи х1азурди а хин Юра

Аренайис авч1угуна пагъливан
Хъундавун машгъул хъуна гъич пашман
Хъара хъурай хъехъ игитар вун суман
Къизил медалин сах1ибар хъас Юра.

Рамис из Хутхула

Чирагъ-чайдин шавгъардилас
Вас заkkalкка хъуни Рамис
Ли ви дерин Iакъулдилас
Вун пагъливан хъуни Рамис

Дагъустандиъ и вун мах1шур
Вартт хъурай вун хъара Рамис
Вас пешкеш и къизил капур
Дамахилди фации Рамис

Рамис ви рекъ хъурай ягъур
Хуру ватан и ви Хутхул
Вун сумантар гена ягъц1ур
Умуд ке чи хъаси Агъул

Хъи халкъарис и вун багъа
Фит1 Джагъилас хъара ппара

Лик1ес кканди ч1алар хъара
Ахир хъас вун элдис Рамис

Гегъенщ хъурай чвас арена
Гъалибвал вартт акъас хъара
Чвалди дамах акъай ая
Хъи халкъари ппара зурба

Чун фикирдик фамацанай
Чун йирк1урал алдаъ пуна
Чун хиялдик фамацанай
Халкъдис багъа дава пуна

ФИТІАРИН ХІУР

Агъуларин ппара гъава суварил
Яратмиш и ухътан са хІур фитІарин
Инсанарихъра хъая абур асул
Межлисарин майдан и хІур фитІарин

Ярар-дусттар адигуна халарис
Шад межлисар ачмиш акъас хІаларис
Усттадар и акъайди гаф чІалунис
Шаирарин макан и хІур фитІарин

Исрафиловарин тухум мағІлимар
Са хизандиъ джут хъуная Іалимар
Гъарса касттиас ицІай дерин Іакбулар
Игитарис хІулмат айи хІур фитІарин

ХЫДИН ІУШ МУБАРАК

Ми хыдин Іуш йирк1вариъ шадвал ади
Гьарса касттин джанарихъ сагъвал хъади
Дуьнйайиъ ислагъвел азадвел ади
Мубарак чвас Іазиз элер мубарак

Хьи уьлкейин халкъар яг1а шатти а
К1или айи х1акимара кардик ке
Халкъдин геледжег вартт акъас кканди а
Іазиз элер чвас хыдин Іуш мубарак

Дагъусттандин ад дуьнйайиъ архъуна
Игитарин гьунара мах1шур хъуна
Гьарса милеет гьарса инсан сад хъуна
Іазиз элер хыдин Іуш чвас мубарак

ХІУРМАТЛУ ИНСАН. ІІСА

Ве мезуран ширинвелди
Халкъар пара вейхин вагъди
Вагъас гъайч1у гъар инсанди
Хуп1 инсан и агъай Іиса

Инсанарис акъай х1урмат
Йирк1вра и ви пара джумарт
Джандин сагъвал хулаъ девлет
Ирай вас алагъди Іиса

Ах1аф дах1аф агъайдаъ вун
Инсандин кар дуъз акъай вун
Амурдиай са алагъдин
Иная вас джейнет Іиса

ЗЕ ДУСТТ. ЮСУФ

Агъул ая са х1ур Миси
Іадалатна Іадат айи
Яр дусттарис х1урмат айи
Х1урматлу дуст Юсуф айи

Авадан хъурай ли ви х1ур
Асул абур пара айи
Ух1вас яр дусттарин хатур
Юбилейдин меджлис айи

Ве Іуьмурдин шад меджлисар
Вас мубарак хъурай Юсуф
Вес амии иди геледжегдис
Бахттар хъурай гена Юсуф

Багъа са зад а дуьнйайил
Вас алагъди ирай Юсуф
Фи и пучин джандин сагъвал
Кам дахъурай ли ви Юсуф

Ви меджлисдиъ айидах1ан
Яр дусттарис хъурай сагъвал
Гъар дусттуран гъарса хулан
Таг1риф хъурай ади шадвал

Фит1а Джагъил ви меджлисдил
Али х1исаб хъурай Юсуф
Ви хулан хизандин варттал
Бахттунин нур хъурай Юсуф

ФИТІАРИН ДАГЪЛАР

Амсариккди ккетіунайи кіилар фай
Джуфасуман чвас ухшарди таяр хъай
Хупі сархуш и тіебілаттин паяр фай
Зун чвас кьулбан гуьзел дагълар фитіарин

Дадарилас мич хъай батлар Іадатар
Яр дусттарис акъай зурба хІурматар
Халкъар и ви дирбашвалдис игитар
Зун чвас кьулбан гуьзел дагълар фитіарин

Тук атахъун гуьзел и ви яйлахар
Хупі ширин и ругъу хъеттин булахар
Улусумдин ун вей акъай макъамар
Зун чвас кьулбан уктан дагълар фитіарин

Чун агуттар Іуьмурди хъасттаъ сефил
Чу гуьрчегвелдил хІайран и фиті Джагъил
Чвахъ ул хъамид Іуьмур вея зи агъил
Зун чвас кьулбан гуьзел дагълар фитіарин

БУРШАГЪАР

Къушан дерейин таҠриф вартт ғадивас
Ли халкъарин хатур ва хІурмат агвас
Іалимарин хуру ватан ахІар хъас
Джуфа сувак яхай агвас буршагъар

Мазанасвар агъа са тухум а
ТебиІаттин пай инайи Іалимар
Ли халкъарихъ хІурмат муьгъуьбат хъай а
ТаҠриф акъас лайикъ хуьр и буршагъар

Гъар багулиас адигуна инсанар
Адиттарис акъай гуджлу хІурматар
Къушанарин акъубахъас таҠрифар
Лайикъ иди инсанар и буршагъар

ТІУРФАН

Вахъ хъадава къац1ра инсаф
Ви ттур ч1ириф и гъа т1урфан
Иц1ай элдис зурба зиян
Инсафсуз и пара т1урфан

Кет1усуна хуларин нур
Инсанарихъ хъандаъ сабур
Ч1ир акъуна джилин абур
Х1ал файини ли вун т1урфан

Ручккана к1едж фай ачра заф
К1валас шуни лик1ейди гаф
Фира дах1а и вун хараф
Вун и зурба завал т1урфан

Къудрат пара а агъай хилиъ
Фи акъучра ви айч1вай к1илис
Ихъуна агъузар х1уриъ
Ушубра дуъз дава т1урфан

Джибиъ уй зи агъзур манат
Ви селди файшуни гьелбет
Зас ул ккей уй азман куьлфат
Хъундаван вас язукъ т1урфан

Фитлерин хлур барбатлвея
Дадбидад и вас хъел махъа
Халкъар гучлай лашай ая
Гулуна ях аман тлурфан

Тлурфан тлурфан залум тлурфан
Ини вун час зурба зиян
Акьуна халкъар аваран
Ушуни вун залум тлурфан

ЖУВАН ІУЪМУРДИКЕС

Ме дуьнйа уч са зад дава
КІван метлабар дахьуттарис
Дуьнйайикес незет дава
Іуьмурдиъ дард агуттарис

Зун и дусттар Джигьил и зун
Яш дахьуна агьил и зун
Ми дуьнйайис хьудурфуган
Фишттиишра рази и зун

ГьемидахІан яш хьун ачра
Дадан сурат агуфттаъ зун
Тийин Іакьул дагучинра
Чири рекьуъ ушуфттаъ зун

Кканеф хьуна хилис дайи
Муьгьуьбеттин есир и зун
Зун дуьнйайис веригуна
Бахтт адавай хуруф и зун

Дуьз насиІат ина рекьуьс
Файдиф шагІбан магІлим и зун
Ме зун хуру зурба баба
Дуьнйайик пай кихьуф и зун

ДЖИГЪЛАРИС

Заманабур ч1ир хьуна ачра
Намус 1адаб хъами ппара
Ах1аттарис х1улмат акъа
Джигъиларис зи джан къулбан.

Дада баба упуф акъа
Учин халдилас йирк1в угва
Зегъметил 1ашкъ али ппара
Джигъиларис зи джан къулбан

Джигълар чун хьурай бахттлу
Ватан акъас хъара адлу
Субур хъайи пара гуджлу
Джигъилар чвас зи джан къулбан.

БАДЖАНАХДИН ЦІЕКІИН

Марагайиъ ціекіин ая
Джерге джерге хіалар вея
Гьарса касттихъ хиял хъая
Шад ціекіинис салам иціас

Дестте дестте вей а дусттар
Хас пуна кіилис ціекіинар
Вей а джагьилар агьилар
Шад ціекіинис салам иціас

Яр дусттарин хатур хіурмат
Артухъ хьуруй акьас тагріф
Мич адиб и гьарттин ният
Шад меджлисдис салам иціас

Багугъди шаб вун Багъавдин
Рул фатматан жигулидин
Амур хьурай вас аллагъдин
Джалайисра акьас ціекіин

Уп ттостт фацин баккал хилиъ
Ви хизандис сагъвал хьурай
Кьисмат хьу хизандин кіилиъ
Геледжегдиъ бахттар хьурай

МАГЫДИН ТАГІРИФ

Халкъарин арайиъ айи
Абурлу инсан и Мағы
Агълиттарихъай кар хайи
Сабурлу инсан и Мағы

Вунсуманттар уйчин хъара
Х1урмат баракат генара
Хъастти хъи халкъарихъ ппара
Дуьннайис мах1шур хъас Мағыи

Идарайис вагъди вери
Агъли инсанар и вари
Гърса кардин иджи Іайи
Гъавурдис хай ли вун мағыи.

Гъар инсандин ул киркъуган
Вун инсандис хуш вей мағыи
Буйбухахдис хъуттурфуган
Такабур и пара Мағыи

Инсанарис и вун лап хуш
Іуьмур дахъурай ви нахуш
Агъуларин намуслу руш
Таг1рифдис лайикъ и Мағыи

Глулин пара кучи ягъа
Шавгъар али дагъ и Магъи
Гъарса джура мейва айи
Дуьхъуь дженет багъ и Магъи

Фитла Джагъил хъуна мехлтал
Ли вун хари кардин варттал
Дженет багъдиъ айи дарал
Бутмиш хъу емиш и Магъи

Иашукъарин чуьнгуьрарил
Дуьзмиш хъу седеф и Магъи
Агъуларин дерейиъ айи
Улар чули руш и Магъи

ДУХТТУР ФАТИМАТ

Гъарса асул хъайи инсан
Нагагъдира андаъ гъелбет
Іакъулдис и вун лап дерин
Баркалагъ ли вас Фатіимат

Гуьгуьул шад акъас иттаттин
ХупІ гъургъа мез хъа вахъ ширин
Угвай айи джан цІай алархъун
Ве хил киркъуф вейхин серин

Къашкъаматтис и вун джейран
Хъи агъулар и вал гъейран
Гъар итталис акъай дарман
И зурба духттур Фатіимат

ФитІа Джагъил ликІес чІалар
Вунсуманттарихъ руцай а
Вартт гъадивас агъул халкъар
Даим фикирар акъая

ККАНДИ ЗАС

Агъуларин гъава сувар
Агуган тухъ вейдаъ улар
Булахарин ругъу хъеттар
Гъамишан ухвас кканди зас

Джигъилар ухшар джакъварис
Суван тукариглас руцай
Агъ маншалагъ хъи халкъарис
Чу Іуьмур шатти кканди зас

Хъи халкъарихъ гъамишанди
Даим шадвал хъурай ади
Ми хъи халкъар сад сайихъди
Даим дуьхъуьна кканди зас

Агъ маншалагъ хъи халкъарис
Іадатна Іадалат айи
Гъарса кар дуьз хари кіилис
Баркалагъ упас кканди зас

Агъул хІурар муьгъуьбеттин
ХІурматар чвахъ хъая къалин
ЙиркІв шад хъасуман Джагъилан
Чун махІшур хъуна кканди зас

АМИНАТ

Аминат ви муьгъуьбеттикес гъургъай
Седѣфлу саз даим хилиф кканди зас
Ви джакъвалан ширин иди сес ун вей
Гъамишанди удигъ вун гъай кканди зас

Ми дерин Іашкъийин гъевез киркъуф зак
Гъелбет ихин аман я руш ли вун тек
Аман минат вакес хъурай са куьмек
Вун йиркѣураъ икѣун руцас кканди зас

Ви хил хилиъ фацуган тѣбитѣин рук
Ярхѣуни зас тѣбитѣтин къалин ттук
Вун и суварий бутмиш хъу цѣнтуктук
Ататѣуна вун фѣй руцас кканди зас

Тѣбитѣтин пѣй адава къумлухдиъ
Гъич са гъава адавайди дерейиъ
Гѣулин рагъукк ккихас деве арайи
Кучи ягъа ви серин хил кканди зас

Фитѣа Джагъил и Аминат вал гъейран
Вун хъучин зи дардунис хъаси дарман
Дад бидад и чара акъин зас аман
Ви хил хилиъ ади руцас кканди зас

УП САРА ВИ ХИЯЛ ФИ И

Ухшар и вас шамси кѣмер
Ипак и ви к1ари ч1арар
Фи ширин и гѣургѣа ч1алар
Уп сара ви хиял фи и

Хѣас дахѣурай вун бедназар
Х1айиф и ви ширин джанар
Фас дакѣаф ич вун шадвалар
Уп сара ви хиял фи и

Гаф акѣуган хаб алдаркай
Хѣи арайиѣ айиф фи и
Пу гафунис джуваб дакѣай
Уп сара ви хиял фи и

Ярх1у улар 1удар зи вас
Экв дагвай чаб хѣуруй муч1и
Минат и вас чара акѣи зас
Уп сара ви хиял фи и

Суал и зи я руш ли вас
Ми дуѣнѣа дар вериф и фас
Ах1ар хѣурай джалайис хѣес
Уп сара ви хиял фи и

Кканеф кканеттис дахьучин
Дуьнйа шаксуз дар вериф и
Зи ч1ал х1акьикъат давачин
Уп сара ви хиял фи и

Ай дагъларин уктан джейран
Джагьил хьуна ли вал гьейран
И вун гьар дардунис дарман
Уп сара ви хиял фи и

ККАНДИ ЗАС

Чирагъчайдил и бутмиш хъунайди са тук
Гулуна исдалара ихин алтухъ
Агундишин Іуьмур хъастти зи ачухъ
Ккани мурад агундишин кканди зас

Гъава и агъуларин гуьзел сувар
Угвая зи дардуникди джан джигер
Мурада гъургъая лап ширин ч1алар
Аман хъара унхъундишин кканди зас

Агъул дере дуьзмиш и тукаригъди
Іуьмур вея фачдархъай хиларигъди
Вегъан яраб аруцас суварилди
Ц1антуктук фачархъундиш кканди зас

Муьгъуьбеттин Іашкъи ппара къакъи и
Хиял кеди руцас элер четин и
Зи мурадан дардунис зун далу и
Ккани мурад агундишин кканди зас

Фит1 Джагъилан мурадар бегъем акъаф
Хъасттавагъан дардунис чара акъаф
Сефил Іуьмур зи пашман йирк1в шад акъаф
Ккани мурад багуф хъучин кканди зас

НАСИНАТТИН ЧАЛАР

Сад сайихъди дахъас ч1ири
Хъасттава гъич ахир иджи
Аллагъди удигъ ахиратти
Изукъара хъаси элер

Дин исламдиъ айи шарт1ар
Йирк1ураъ ай акъас къасттар
Гъушас ккандиш дженет паяр
К1илис фаях Iазиз элер

Аллагъ айиф сад и пуна
Пайгъанбарар х1акъ и пуна
Ахират ягъ ая пуна
Йирк1ураъ ай руцай элер

АГЪУЛ РУШ

Удигъан зулматтин дар иди вахттар
Даджиклейди гъич Ёумурдикес базттар
Атархъуна к1ваъ айи к1ари дардар
Ачухъ хъуни Ёумур ли ви агъул руш

Инсанар ккейи к1ари зулматтикк
Пай кедуйи гъич эуъ дуънйайик
Залум бегларарин ханарин хиликк
Лук1 хъуна айи ли вун агъул руш

Іакъул зигъимдис и вун лап дерин
Гъургъвагуна мез и ви лап ширин
Джумартлу и вун х1урматтис хилин
Рази и халкъар ли вал агъул руш

Фит1а Джагъил хъуна гъели вал гъейран
Ай муъгъуъбеттин суварин джейран
Девлет ихин вун хизандин хулан
Муъгъуъбеттин тук и вун агъул руш

МАДИНА

Ви яйлухдин ири туквар
Хуш изас ви кIари улар
Шаб сад акъас хьин Iуьмурар
И вун дуьхьуь багъ Мадина

Вун эмкIуьас агуни зас
Муьгьуьбеттин пай ицIай зас
Ша са чара акъи вун зас
Дардунис дарман мадина

Муьгьуьбет а ви суратиъ
Хьасттава ви тай дуьнйайиъ
Бутмиш хьунайи дженет багъдиъ
И вун са бегьер Мадина

ЙИРКІВ АТТИВУН ВЕЙ А ЗИ ЯР

Руцун и зун валагъ ппара
Алчархъундаъ гъич нандира
Ахир джик1и ккани ппара
Іашкъидикес пай и зи яр

Вахъ руцай зун аваран и
Вун зи дардунис дарман и
Ша вун зас са чара акъин
Йирк1в аттивун вей а зи яр

Ихтияр тин Іу ч1ал упас
Т1алаб а зи вакес акъас
Атуна ях ви сурат зас
Йирк1в аттивун вей а зи яр

Хабахъ гъушун магъид чуънгуър
Іашай а зи абаъ Іу ул
Ахирахъас арг1ун гуъгъуъл
Йирк1в аттивун вей а зи яр

Ягъур хъурай вейи сафар
Бахтт ай хъурай вас Іуъмурар
Джигъилан йирк1в акъуна дар
Вархас вейи зи ккани яр

РУШАН УХЪТАНВАЛ АГЕ

Сурат даим инч1 айиф
Ул и хуп1 бат1ар кіариф
Лайикъ и акъас таг1риф
Рушан уктанвал аге

Мертти и ипак суман
Бузбулахин хъед суман
Гъургъвай суван джакъв суман
Рушан уктанвал аге

Руцай дагъдин г1уд суман
Агвай джагвар луф суман
Дуъхъуъ джейнет багъ суман
Рушан уктанвал аге

Джейнет х1уъри пери и
Дарман акъас дири и
Вал рази и чин вари
Учин бат1арвал аге

Суратиъ ай баракат
Учик кевей х1аракат
Акъай ширин зарафат
Рушан уктанвал аге

Акбай г1удуран юруш
Ухшар и вас т1авус къуш
Уч и х1акъ хъи агъул руш
Учин дирбашвал аге

Чагълар агъил Ёумурдин
Сурат нур ай чирагъдин
Тукус ухшар и дагъдин
Учин бат1арвал аге

Мез ширин и гъургъваттис
Хил дарман и иттаттис
Вафалу и ватандис
Учин бат1арвал аге

Хъуттурхъуган азардис
Йирк1в иц1ай вун иттаттис
Фигъа зун ви гъунардис
Учин бат1арвал аге

Уч и лап зурба духттур
Арх1айдаъ гъич сайин хатур
Хъая гъарса асул абур
Учин уктанвал аге

ЗИ ККАНИФ АГУНИГЪАН ЧВАС

Кканиттилас агу эмклер
Зи хилиъ ай тийин хилир
Упай сара Іазиз элер
Зи кканиф агунигъан чвас

Кканиттин ттур и
Гъарса дардуни дарман и
Зи Іуьмурдин хІаракат и
Зи кканиф агунигъан чвас

БатІарвалдис уч и джейран
Гъургъвагуна мез и ширин
Ти зи дардунис и дарман
Зи кканиф агунигъан чвас

ФитІа Джагъил аваран и
Кканиттихъ руцай далу и
Муьгъуьбетти угу касс и
Зи кканиф агунигъан чвас

ЭЛЬМИРА

Гуши завуъ нур иц1айи х1ад суман
Гуънейикес керуцайи г1уд суман
Нарун г1анаъ дуъзмиш хъунайи уд суман
Фи бат1арф и фи уктанф и Эльмира

Хилиъ тетрад ручка ай
Халкъдис суалар иц1ай
Шадвалдин хабарар фай
Аруцаф и Эльмира

Багамиккес фагъуч1айди рагъ суман
Кучи ягъа серин али дагъ суман
Гъарса джура мейва айи багъ суман
Фи бат1арф и фи уктанф и Эльмира

Ах1аттис х1урмат акъай
Ширинди гаф ч1ал акъай
Суратиъ баракат ай
Аруцаф и Эльмира

ДЖЕЙНАТ

Акѡа юруш ухшар и ви г1удурас
Вун вериган дифар гулай завулас
Іашукѡар маджбур и ви таг1риф акѡас
Агугуна ви кѡашкѡамат я Джейнат

Ухшар и вун хам дагѡларин джейрандис
Вафалу и вун хѡи гуѡзел ватандис
Иджвал акѡас х1азур ивун инсандис
Адигуна ви багугѡди я Джейнат

Хѡая вахѡ пара зурба асул абур
Инсанарисра иц1ай вей вун сабур
Гѡарса кардин варттал и вун такабур
Таг1риф акѡубас лайикѡ и вун Джейнат

Фит1а Джагѡил ч1алар лик1ес х1азур и
Иди касттин таг1риф акѡуб абур и
Вун иц1айиф гѡанас хѡучра сабур и
Муѡгѡубат ва баракат хѡа вахѡ Джейнат

ХВАШККЕЛДИ СУС ВАС ХВАШККЕЛДИ

Сад сара фадини х1урис
Къабул хъуна джалабурис
Хъуттурхъ вал алчахъуттарис
Хвашккелди сус вас хвашккелди

Мубарак хъурай гедайис
Тийин х1урматлу хизандис
Х1урмат акъин вун хъи халкъдис
Хвашккелди сус вас хвашккелди

Дагъдин к1ук1ваъ фит1арин х1ур
Алди а баракатин нур
Бахттлу хъурай ли ви Іуьмур
Хвашккелди сус вас хвашккелди

Вун бадала меджлис ая
Халкъар шатти лихъвай ая
Джагъилара агъай ая
Хвашккелди сус вас хвашккелди

ІАШКЪИДИКЕС

Ли вун гъургъу ч1аларикес
Іашкъидин ялав хъуни зас
Йирк1ура айи хиялдикес
Пара къакъи дард хъуни зас

Муьгъуьбеттикес гъургъуган
Зас сувар ч1алас адини
Багами дахи гъайишиган
Бахттунин х1ад вун агуни

Эмк1уьас ухуна шараб
Муьгъуьбеттин пай хъуни зас
Руш вас хабар игъан яраб
Экуь дуьн1а дар хъуни зас

Гагъ элхъейхин вун зун суман
Гагъ вей суварин сел суман
Хаджалатар майиц1ан зас
Валагъ дуьн1а дар хъаси вас

Эрбе ягъа суварис ях
Хъед абукевсер ухвас вас
Зун фикирдиъ ай ахунис ях
Іашукъвалдин пай хъаси вас

ККАНИТТИС КІЕДЖ

Зун вас кледжар ликлей ая
Магъидин ручка хилиф фай
Зун суварий руцай ая
Зи ккани руш йирктураъ ай

Хъуттурхъуган эвендилас
Агуни зас завуъ хладар
Іуши гъархъу эмклерикес
Агуни зас зи ккани яр

Яхай кледжар чун шагъурдис
Зи кканиттис саламар фай
Хаб алдаркун шаб суварис
Зи кканиттин джувабар фай

ІАЙИША

Адигуна шад меджлисдис
Агуни зи вун уларис
Хуш хьуни вун зи йирклурас
Суварин джейран Іайиша

Вун агубал хуп1 шад и зун
Хам дагъларин джейран и вун
Къизилгуьлдис ухшар и вун
Меджлисдин чирагъ Іайиша

Вун эмклубас агуни зас
Ири туквар иц1ай зун вас
Минат и руш тай ухъ вун зас
Багъларин хьелджукъ Іайиша

Чирагъ и вун меджлисттиъ айи
Хьи арайис нур иц1айи
Зи Іуьмурдис рекъ иц1айи
Дардунис дарман Іайиша

Далу вей а зун вун агвай
Йирклуран хиял пас девей
Угвай а зун шак алдавай
Вакес са чара Іайиша

Вун йирк1ураъ ай гъархъуган зун
Зас агуни ширин эмк1ер
Ви йирк1уран хиялдикес
Зас джилари ини хабар

Инсан ичин вун йирк1в айи
Махъан ч1алахъ сасраттарин
Вахъ ккани Іашкъийинпай хъаш
Вун кканиггин дуъз рекъуъл гъуз

МИНАТ АКЫИН РУШ ВУН БАБАС

Гъавурдиъ архъ зи гафарин
Майицлан кIвас хиял дерин
Вун са тук иш хьи дагъларин
Минат акьин руш вун бабас

Муьгъуьбат зи хьун а дерин
Вун йиркIурас и лап ширин
Дакъурай хьес дуьнйа серин
Минат акьин руш вун бабас

Масса ицIас вун мал дава
Удигъ замана андава
Кканивал кьимат айифттава
Минат акьин руш вун бабас

Вун дахьучин ми дуьнйа зас
Ккандава лап йиркIураас
Хьи геледжег бахттлу акъас
Минат акьин руш бабас

Ай дагъларин уктан джейран
Джигьил хьуна ли вал гьейран
Гъава акьуна ви гардан
Минат акьин руш вун бабас

ХІА РУШ РОЗА

Фитлерин хлуриъ шад хизандиъ
Сифтта хуру руш и Роза
Іуьмурдиъра хлурмат ади
Кканди ухлу руш и Роза

Улматтилас лап йирклв руцлай
Руцай а вун хупл намус кей
Гьарса лихун удигъ акъай
Хилихъ зурба баракат хъай

Дадан бабан кьимат и вас
Пара азман баркалагъ вас
Даим кканиф гъели ичас
Іуьмурдиъ бахттар хьурай вас

Ви клари тлибитлин улар
Мез упучин ширин шекер
Ухшар и вас мерджан гевгьер
Хъастава гьич вас тай Роза

ХІА ЯЗНА КЪИРИМХАН

Чи ахІа язна Къиримхан
Ихин вун час пара масан
Сагъ хъурай ли ви ширин джан
УхІвас музе ахІа хизан

ЦІуппи сагъвал ирай ли вас
Іуьмурдиъ ай ахІа бахттар
Гъар иса меджлисар акъай
ГунтІ хъа суман ярар дусттар

Девлет хъурай ли ви хулал
Бахттунин нур алди кІилил
Баракат хъурай ви хулал
Дусттарис хІурмат хъас хилил

СУНАХАЛУМ

Агъуларин уктан рушар
Бахтглу хъурай чу Ёумурар
Сунахалум ли ви улар
Гъамишан агвай кканди зас

Ціекіинарал ухшар хайи
Ара ара ул атайи
Сунахалум луф суман и
Хилиъ фацас ккан хъуни зас

Хуш хъуни зи йиркІурас вун
Хъуни пара ширин зас вун
Сунахалум даим тукун
Чагълари ай ккандихин зас

ФитІа Джагъл йиркІв пашманди
Руцай ахин вун кІваъ ади
Сунахалум вун зиф иди
Шад хъундишин ккандихин зас

ІУЪМУР ВЕЙ А ЯВАШ ЯВАШ

Алихъучра заѣф тѣубар
Рухвай андаъ чуънгуър синар
Ми дуънѣадихъ хъамид улар
Іуъмур вей а яваш яваш

Йиркѣлурал вей ушу вахттар
Ми дуънѣайил акъу курар
Бегъем акъас хъамид къасттар
Іуъмур вей а яваш яваш

Яр дусттарихъ хъами улар
Руцай андаъ буш хъун ликар
Гъургъвас кканди ширин чѣлалар
Іуъмур вей а яваш яваш

Ярар дусттар сасад акъай
Ккиркѣвай а ми дуънѣайилас
Ккиркѣуттарин гъамар акъай
Іуъмур вей а яваш яваш

Къудур дахъас фикир дакъай
Сабур хъади руцай яваш
Гъич къацѣра вас фикир давай
Іуъмур вей а яваш яваш

Гъавайилас маруцанай
Сад сайис куъмек акьинай
Гъич сайисра хабар давай
Іуьмур веф и яваш яваш

Къудурвал иджи кар дава
Ахир деве кар вефттава
Джалара са къайда хьуна
Іуьмур веф и яваш яваш

Багу хьуна ахир вахттар
Фикъагъан зун Іазиз элер
Хьи суварис атай улар
Іуьмур вей а яваш яваш

Фит1 Джагъил хьас андаъ сархуш
Хьуна агъил вей а нахуш
Зи ширин джан хьуна лап буш
Іуьмур вей а яваш яваш

Дуьнья дуьнья уктан дуьнья
Фикъагъан зун вакес дуьнья
Дуьнья дуьнья ширин дуьнья
Вей а вун хилиас дуьнья

ГЪАР ДЖУРАЙИН КУПЛЕТАР

Гъамишанди хъи к1илил
Ислагъвелдин рагъ хъурай
Биц1итар ах1а акъас
Дадар бабар сагъ хъурай

Ми хъи агъул халкъарин
Х1урариъ х1урмат хъурай
Гъарса х1урин хулариъ
Даим баракат хъурай

Джигъил хуруф ихин агъул
Агъул пуган шад вей гуьгъуьл
Ахир Гуьмур хъуни сагъул
Фиттихъра зи хъандава ул

ККАНЕТТИН ФИКИР ДИГИШ ХЬУГАН

Маг1нийилди гъургай а зун
Йирк1в угу душман ле вахъай
Ара-ара дагиш вей вун
Дар йурк1урас хиял иц1ай

Вун йихин иф зас сифтта гаф
Уларилди аттивай йирк1в
Фас хьуф и вун ахир эжлеф
Хабар давай ярх1уна мерккв

Гагъ вейхин вун элхъей ачухъ
1ашкъи кихъай муьх1уьбатдин
Гагъ вейхин вун ут1у палчух
Рекъ адава т1ебиттин

Вун йурк1ура ай гъархъган зун
Зас агуни ширин 1эмк1ер
Ви йирк1уран хиялдикес
Зас джилари ини хабар

Инсан ичин вун йирк1в айи
Махън ч1алахъ сасраттарин
Вахъ 1ащкъйин пай хъщ ккани
Вун дуьз рекъульл гъуз кканиттин.

КЪАНТ1АЙИН ТАГ1РИФ

Зи дусттурас гъуй уйи са
1акъул айи ппара зурба
Бязи инсандихъ дайиц1а
Хазина и хулан къант1а

Хайир кканиф адигуна
Ц1угъар акъай гъузай къант1а
Хайир данкканф адигуна
Алчишай фацай вей къант1а

Иц1а къуват ви руджунас
1акъулдис ушуна къант1а
Хулас вери яр дусттарис
Вун ппара хуш хъуна къант1а

Эесидис хъутурхъуф и
1акъул ппара айи къант1а
Ярар дуссттар веригана
Рекъ хай удигъ гъуч1ай къант1а

Къант1а-къант1а ша багугъди
Ч1алар лик1ей а са ариф
Къант1а-къант1а ша багугъди
Джигъила акъас ви таг1риф

МИЛАЯ АГУЛКА

В суровые прошедшие времена
Где искать тебя правды семена
Тяжелая учесть тебе дана
Была милая агулка моя

Люди находились под тяжелым игом,
Жизнь опечаленная мраком
Трудилась ты под тяжелым гнетом,
Как рабыня, милая агулка моя.

Фитинец Джигьил горевал с тобой,
Пел и был он охвачен твоей бедой.
Ныне стала ты гордой хозяйкой,
И славной дочерью агулка моя.

Содержание

СЛОВО ОБ АШУГЕ

ДАГЪУСТАН

МАХАЧКАЛА

ДЕРБЕНТ

АГЪУЛ ДЕРЕ

МАГЪУ ДЕРЕ

ДРУЖНАЯ СЕМЬЯ ДАГЕСТАНА

ОТВАЖНЫМ СЫНОВЬЯМ АГУЛА

ДАГУСТАНДИН ИГИТАР 1999иса

ДУХТТУРАР

ЗИ ВАТАНДИН ИГИТАР

НАШ ДАГЕСТАН

ДАГЪУСТАНДИН Х1АТТАРИС

ПОДВИГ АГУЛЬЦЕВ

ДОСТОЙНЫМ ЛИДЕРАМ

ШАБ АГУЛДИ Х1АЛАШУЙДИ

ЧЕСТЬ И ХВАЛА ПОЛИЦИИ СТРАНЫ

ДА1УДИН ВЕТЕРАНАРИС

МУСА МАНАРОВАС

ПОСВЯЩАЕТСЯ МУСА МАНАРОВУ

ИМАМ ШАМИЛ

А.С.ПУШКИНАН 200-ИСАН ТАГІРИФ

АЙГУМОВ АЙГУМАС

РАСУЛ ГАМЗАТОВ

АГЪУЛАРИН СПОРТСМЕНАРИС

ФИТІАРИН ХІУР

ХЪДИН ІУШ МУБАРАК

ХІУРМАТЛУ ИНСАН ІИСА

ЗЕ ДУСТТ ЮСУФ

ФИТІАРИН ДАГЪЛАР

БУРШАГЪАР

ТІУРФАН

ЖУВАН ІУМУРДИКЕС

ДЖИГЪЛАРИС

БАДЖАНАХДИН ЦІЕКИН

МАГЪИДИН ТАГЪРИФ

ДУХТТУР ФАТІИМАТ

ККАНДИ ЗАС

АМИНАТ

УП САРА ВИ ХИЯЛ ФИ И

ККАНДИ ЗАС

НАСИІАТИН ЧІАЛАР

АГЪУЛ РУШ

МАДИНА

ЙИРК1В АТТИВУН ВЕЙ А ЗИ ЯР

РУШАН УХЪТАНВАЛ АГЕ

ЗИ ККАНИФ АГУНИГЪАН ЧВАС

КОРЕСПОНДЕНТ ЭЛЬМИРА

ДЖЕЙНАТ

ХВАШККЕЛДИ СУС ВАС ХВАШККЕЛДИ

1АШКИДИКЕС

ККАНИТТИС К1ЕДЖ

1АЙИША

МИНАТ АКЪИН РУШ ВУН БАБАС

Х1А РУШ РОЗА

Х1А ЯЗНА КЪИРИМХАН

СУНАХАЛУМ

1УЪМУР ВЕЙ ЯВАШ ЯВАШ

ГЪАР ДЖУРАЙИН КУПЛЕТАР

ККАНЕТТИН ФИКИР ДИГИШ ХЪУГАН

КЪАНТ1АЙИН ТАГ1РИФ

МИЛАЯ АГУЛКА